



Mamautari Newsletter

MFMRD Bairiki, Tarawa P.O Box 64 Phone no: 21099 Fax no: 21120

**Volume 2 Issue 18 25th
May, 2010**

Kanoan am Beeba iteranibaa

- Ana ikarekebai Korea ma Kiribati 1
- Food Export Company mai Maiana 2
- Reirei iaon iokinibwaiian te petfish 3
- Student's Information 4
- First Aid Course nakoia FA 5
- Bwaninin rongorongon te Joint Ven-
ture ao te maroro ma Observers 6

Rongorongo aika kimototo

- Kanoan am Beeba... iteranibaa
- Koona ni kareke tianti* 2
- Rongorongon te Workshop are I
Kiritimati* 3
- More Info for Student* 4
- Te warebwai I taari iaon Kiritimati* 5
- Ana workshop Te Otabwanin ma
Observers* 6

**Uoua Kambwana mai Korea, a kan ikarekebai ma Kiribati n te
Karikirake iaon te Akawa.**



Wareka rongorongona n itera ni ba 6

**E tabeaianga Otabwanin n aia maange Kaibuke n Akawa. E a
maroro ma Observers bwa ana ibuobuoki.**



Bwaninin rongorongona n itera ni ba 6

Man te FLEU

Sea Food Export Company mai Bubutei Maiana, a bwaibwai iai
Tengaun ma niiman



Te Sea Food Export Company bon te kambwana ae boou man te abamwakoro ae Maiana are e a tia ni kaota nanona ni kan iokinibwaia amwaraken taari. Te kambwana aio bon te moan kambwana n iokinibwai are e a kaainaki irouia aika mwaiti bwa tengaun ma niiman kain te kaawa ae Bubutei.

Kaokoron te kambwana aio bwa bon ngaiia ake ana bon mwakuria karekean aia sea food ao ni bon agent naba ke ni bon tabena kanakoakin aia sea food nako tinaniku.

E a tia ni karaoa mwanangana Te Botaki n Akawa n tuoa te kambwana aio ike e na kakoaua iai bwa iai aia bwai ni mwakuri ao e tau te kamb-

wana aio ibukin te iokinibwai ke e aki. Ane are bon te moan mwaneka are e na karaoaki moa imwaain are anganaki te kariaiakaki. Ti aki tii ngaia ma e na taraaki naba bwa baikara sea food ake e na iokinibwai ao n nooraki bwa e tau mwaitiia mai taari ibukin te iokinibwai ke aki. Aio are e a irekereke ma tiatianakin ao kawakinan marin ara marawa ngkai bon anne taben te Botaki n mwakuri aio..

Bwaai ake a kan iokinibwai kain te kambwana aio bon te bai ni bakoa, te kereboki, te bun, te nouo, te koumwara, ao ai Ten Tabwena. Mereriin Ioakim are e kabanea uabong iaon Maiana n karaoa te tutuo.

Am koonā ni kareke tianti

Karaoan te Tuna Fish Burger

Bwaina:

Te ika ni marawa

Taoro

Atinamoto (MSG aji-no-moto)

White or Black pepper

Te oera n kuuka

Maionaiti(mayonnaise)

Rengarenga te bani kai

.....reitana n te maing.....

...reitān am koonā n kareke tianti

te bunimoo

Te Kariki ke te bwān.

Aron karaoakina:

Karāua kaitiaka am ika

korekorea irikon raōi te ika ao kaokoroa n te bora teuana.

Kabwaka tebunimoo ao renganna ma te taoro, atinamoto ao te pepper.

Kaboboa irikon te ika ma nikiran am rengarenga.

Kabaroa am bunimoo inanon te mixture ao kaboboa raōi.

Kaburoi inanon 5 ke 6 te miniti ao koa katokai naba iaon am kariki ake koa tia n korokoroī

E a tauraoi nakon te kanaki ke nakon te kaboaki ibukin am kareke tianti.

Rairaki iroun Teāto Tonga-biri



FISHERIES DIVISION

Uarokoia kain Kiritimati nakon ae tamaroa ibukin iokinibwaian ikan te kiraati (Petfish)

Te aeka ni waaki aio are e bon karika te rongo nakon te karikirake aio. Taan bobwai mai Hawaii, a nang aki manga tangiria ni kabooi iika akekei ni booia ake mai imwaina ao man ti tangiria ni kabooa n te boo n tutara. Te kabotau teuana, boon te petfish n temanna bon \$25 ma ngkana e rawata naba te aekaki n iika anne irouia taan kabonako iika ake tabeman ao e a tutaraeaki naba boona nakon tii \$4.

Te aro aio are e na karika te kanganga n aron kaokin boon te petfish nakon boona are mai imwaaina ke boona ae bon riai. Tiaki tii ngaia ma e na karika naba te tabeaianga nakon Te Botaki n Akawa n te itera are e a kabonganaaki buaka kaubwain ara marawa ao are e na karika waekoan buan te kaubwai anne mai Kiribati.



Ni wakanan te reirei aio nakoia kain Kiritimati bon ngaia are e na uakoroia ni karokoia n te mwaneka are aongkoa te world standard ke are a kantaningaaki bwa ana kakoroi nanaoia n te aro bwa e na okira tein aia boo iaon aia petfish ngkai aongkoa a nang roko n te mwaneka are e tangiraki iaon te iokinibwai.

Tiaki ti aei naba bukina ma e na bon kabonganaaki raoi kaubwain abara nakon booia aika a tamaroa ke are e kona n reke iai ara mwane ni bon boona ae e materaoi ni kaitaraki ma aron rianakon tamaroan ara ika aikai.

Kawai ake a reiakinaki e a bon boboto iaon;

...reitana riki are n iterani ba 5..

Kairan aia iango taan iokinibwaia te ika ke te petfish man te aba ae Kiritimati bwa ana kona n mwakuria raoi aia ika ao n uarokoia nakon ae tamaroa bon ngaia oin te maroro are e a karaoaki iaon te aba anne inanon te namwakaina ae Eberi. Aio are ai bon tibwa te moan maroro are e a kairaki irouia taan rabakau man te Secretariat of the Pacific Community (SPC) bwa buokaia kaain Kiritimati ngkai ngaia ake a rangi ni kinaki ni kabonakoan iika ni katamaroa inanon auti, aobiti ao taabo ni kamataku i aban Atia, Eurobe ao ai Amerika ma tiaki tii aaba akanne ma ngaia e bon karaoaki naba n ara aono ae te Betebeke n aroia Aotiteria ma Nutiran.

Iai noran aki rokoraoin te tararua nakoia iika irouia kain Kiritimati ni kabotauaki ma aaba ake a kaai ni kabonako iika nako Hawaii n aroia Biiti ma Mwtiare. E kakoauaaki aio iaon noorakin aia ika bwa ai te ni maamate ao ni ikuaki ke a bon mate. Ikai are e a kaotaki iai ngkanne bwa a bon aki bati n tararuaki raoi ke tao a bon aki ata raoi aron anakiia ma taruaia imwain ae a kakibai nako aia

ika ibukin te iokinibwai.

Anne are e a karika te kanganga n aron tein boon aia ika are e a bon karika te bukitaua ke te bwaka ni boo nakon boon aia ika ae moan te bubura. A kauarerekeaki boon aia ika ao n tabetai a bon aki kabooki ngkai a nooraki bwa a ni-mamate ao irarikina a nang bon aki bongana bwa iaoni kawaia ni mate. Ai antai ae e na kabooi iika akanne ngkai ai bon taian aoraki buaka? N tokin te tai ao ana bon rawa taan bobwai mai i Hawaii ni kabooi iika akanne.

“Aio are e kona n taraki ni iterana teuana ae bon bakataean kaubwain abara” e taku Tuake Teema.

N reitaki riki ma anne ao ngaia bon iai naba te takakaro buaka imarenaia taan karikirake n te aba anne are ngkana e a rawata te aekaki ni iika teuana ibuakon aia iika, ao a tutaraai naba boon aia iika n te aro bwa e na kabooki rimoa aia ika nakoia naake te korakina.

.....reitana ane n te maing.....

MINERAL UNIT

Information for Student

What is Coral Reef?

Coral reefs may be of several different types and may be quite narrow or up to several kilometers wide. sand, and without the reefs there would be no habitable land

They act as a first line of defense against ocean waves, absorbing most of the force of variations in wave conditions. For this reason alone, the preservation of coral reefs and coral reef environments is critical to maintaining a natural coastal protection system around islands in most Pacific island countries

Coral reefs are also a vital source of supply of sand to beaches on coral atolls, they are the main source of



Coasts of Pacific Islands by Alan Sherwood and Russell Howorth.

How sand is moved?



Sand movement on beaches is mainly caused by waves and the currents, which lift particles of sand and carry them to another place. Sand particles can be transported in two ways: long-shore drift and onshore-offshore exchange

Coasts of Pacific Islands by Alan Sherwood and Russell Howorth.



Reiakinaia kain Kiritimati

reitan are n pg 3

1. Aron anakiia ke karauniakiia mai tari
2. Ngkana a roko ieta ao tera ae ana karaoaki nakoia iika akanne n aron ae ana riai n itinaki bwa e na kanakoaki te ang are ni katibuna are e a karika aki baerantiia ni biribiri inanon te ran ao ni bwabwa are a bon rangi ni kai mate iai.

3. Kawakinakiia ni nneia ke te Fish Hold bwa ana teimatoa ni marurung ni karokoa te tai are ana karinaki n te baeki (plastic) bwa a nang tauraoui ni iokinibwaiaki.

Aron karinakiia n te baeki (Plasti) are e na riai ni kakaokoroaki, temanna inanon te baeki teuana bwa e na kauarerekea naba aron te uneaki irouia are e na karika naba te ikoaki ao te mate nakoia.

Warebwaian marin Kiritimati, e kairaki iroun Being Yeeting



Ana kakamwakuri riki Te Fsiheries Division

E kabaneaki aroia Fisheries Assistant imwaain nakoia nako aon-naba



E tangiria te Botaki n Akawa bwa e na kabanea aroia ana taan mwakuri iaon aba aika Fisheries Assistant imwaain are a kamwaingaki bwa a nang nako n tararuai auti ni kamwaitoro ake iaon aba, n te aro are ana bon akea aia kanganga ngkana a tii karina naba n aitarā ma te ikoaki irouia taan akawa ke bon aomata n aia tai ni mwakuri.

Te First Aid Course ke te aro ni kamaeu bon moan te kakawaki ao bon teuana mai ibuakon aia reirei ae ana riai ni karaoui irarikin ake aanai man te USP I Teoraereke ai

ngaia are e a kanakoa bwanaana ni kakao nakon te Red Cross bwa e na kaira te reirei iaon te course anne nakoia Fisheries Assistant ao are e a bon reke naba aia tai staff tabeman man te Fisheries Division n ira te reirei aio.

E a kairaki te reirei aio iroun Nei Tiraen Keinene, temanna te aobitia man te Botaki ni mwakuri ae te Red Cross inanon temaan ae aua (4) te bong ao e na bon iai naba te ukeuke (test) imwiina are ana tuoaki iai bwa a bon kona ni karaoa aia mwakuri ni kamaeu ke aaki.

Warebwaian marin Kiritimati ake a kona n iokinibwaiaki, ana ka-2 n itera te workshop are karaoaki I Kiritimati.

N ana ka-uoua n itera te workshop aio e bon karaoaki te kakae nakon marin Kiritimati are e na nooraki iai bwa aekakira riki iika ake a kona n iokinibwaiaki, mwaitira ao aekakira marurungia, ma te kakae aio are e rangi n taaketenaki riki te aekaki n ika ae te Ura-n-taake ke te flame angel fish ngkai ngaia ana petfish Kiritimati ae rianako tamaroana ma tikiraoina ni kabotauaki ma ake a

reke man aaba aika Matiare, Biiti ao a bati riki.

Te kakae aio are e a kairaki iroun Being Yeeting ike e a irekeireke iai ma te warebwai I taari bwa e aonga n otinako taian kai ni baire ibukin kawakin te aekaki n iika anne n te aro bwa e na teimatoa rerekena ao n aki kona n tare mai itaari.

PLANNING UNIT

Uoua Kambwana mai Korea, a kan ikarekebai ma Kiribati n te Karikirake iaon te Akawa.

Kambwana n Akawa mai Korea ae te Sajo ao te Silla Company, a tia ni karaoa aia bowi ma Te Botaki n Akawa n wiiki aika nako ni kan katea te kambwana are ana ikarekebai ni karikirake (Joint Venture) ma te Tautaeaka ni Kiribati iaon te Akawa.

Ai bon tibwa te moan tetere n bowi iaon te tabeka mai Korea aio are a bon roko ni karaoa aia bowi ma te moan Tia Koroboki, Te Kauoman Tia Koroboki man Te Botaki n Akawa, Te Kauoman Tia Koroboki man te Labour, JV advisor Peter Tong, Birimaaka Tekanene man te AG's aobiti, Matereta B. Raiman te Tarekita n te Tax ao ai Kaon Tia-

mere man te License Department.

Aman ake a roko mai Korea bwa uoman man te Sajo Company ae S.D. Kim are bon te manatia naba n te kambwana anne ma ana kauoman ae K.S. Lee. Ake a roko man te Silla Co bon K.S. Lee (Tuna Lee) bon te manatia naba ngaia ma ana aobitia ae M.G. Kang

Ni kamatoaakin riki kanoan ao bwaai ake ana tangiraki ibukin te ikarekebai aio ke te Joint Venture aio ao e na katabwaninaki n aia bowi are e na karaoaki inanon wiiki rake aikai I Nadi Biiti.

E tabeaianga Aobitin Otabwanin irouia Kaibuke n Akawa. Observers man te Botaki n Akawa, ana riibotini Kaibuke ake aaki ira tuan te kamangeange I taari.



“Aekakira te rongorongo ae ana riai n riibotini Observers ngkana a toka iaon kaibuke nako are e na tau ibukin katuaeacn te kaibuke ngkana e aki karaoa nanon ana tua te Otabwanin ibukin te kamangeange I taari”, aio oin ana maroro ni ikarekebwai te bootaki ibukin Aobitin Otabwanin, Aaba ao Karikirakean Ununiki (MELAD) ma Observers n te Otintaai Hotel n te

Kaabong ae 20 n May bwa ana riki bwa taan buoka kamatoaan te tua ibukin Otabwanin nakon kaibuke n akawa n aia tai n tokarii kaibuke E kakoauaaki man te aobiti aio bwa kaibuke n akawa ake mai Tiaina (China) bon akea mwiin aia riibooti iaon aia maange ni kabotauaki ma kaibuke n akawa mai Korea ao iai n aia rikooti ke n aia log book ae areitana ane n te maing....

kaaerakei aia maange n aaba aika Papua New Guine, Biiti ke aaba riki tabeua ai ngaia are man aia kukune aikai inanon aia tai n ruuonii kaibuke n tuoi ao a tangiria n karaoa aia maroro ma Observers n te aro bwa ana kona n riibotini nako aron aia karenako maange taian kaibuke n akawa.

Bon iai naba te ribooti are e karo-koaki iroun temanna te Observer nakoia kain Te Otabwanin are e oki man tewaana kaibuken Korea are e karenakoa ana maange I taari ao e a tia n katuaeaki te kaibuke anne ma bon iai naba kaibuke ake aaki reke n te bure iaan aki taun te kakoaua (evidence) ngkana a riibotibi aia mwakuri buaka kaibuke riki iaon aia maange.

N te maroro aio ao a reiakinaki bwa aekakira te rongorongo ae ana tauii mwii, e riki ningai ao n te aoa iraua, aekakira maange ake a karenakoi ke ae bon raioiroi riki, ngkana e kona n reke tamneina. Bon tii te-itera ni bong are e kabaneaki n te maroro aio



Bukin tera e kakawaki bwa ti na tararuaa ara Otabwanin? Bwa e na aki rootaki marin abara